

վերջնագիրը և յայտարարելով Անդրկովկասի անկախութիւնը՝ վերսկսել հաշտութեան բանակցութիւնները: Այս քայլն անելիս վրացիները որոշ յոյսեր էին կապում Գերմանիայի հետ, որոնց ներկայացուցիչներին, Տրապիզդոնում, Չիենկէլին տեսել էր միւս պատգամաւորներից գաղտնի, իսկ թուրքերի համար՝ թիւրքիան ցանկալի բարեկամ էր:

Այսպիսով, հայերի համար ստեղծւում էր ահաւոր կացութիւն. միանալ վրացիներին ու թուրքերին՝ նշանակում էր ձեռք քաշել ո՛չ միայն ամբողջ թիւրքահայաստանից, այլ և Ռուսահայաստանի մի երրորդ մասից, և դեռ հարց էր՝ կը գոհանայի՞ն արդեօք թիւրքերը միայն Բրեստ-Լիտովսկի սահմաններով: Չմիանալ՝ նշանակում էր անջատուել հարեւաններից, մնալ մենակ, կտրւած ամբողջ աշխարհից, շրջապատուած մահմետական ծովով, թիւրքական բանակի սպառնալիքի տակ՝ դատապարտուած ստոյգ մահուան: Պէտք էր ընտրել չարիքներից փոքրագոյնը, և հայերը միացան հարեւաններին որոշման:

Կային մարդիկ, որոնք, այդ օրերին, ցոյց էին տալիս Խորհրդային Ռուսաստանի ճամբան՝ առաջարկելով ձեռք մեկնել բոլշեւիկներին, որոնց առաջապահները դեռ մնում էին Բաղուում ու Սուխումում: Այդ տրամադրութեան որոշ չափով նպաստում էին և թիֆլիսում ստացւող ազօտ լուրերը, որ, իբր թէ, Լենինը առանձին դեկրետով յայտարարել է Հայաստանի անկախութիւնը: Սակայն, այդ մտքի անհեթեթութիւնը այնքան էր ակնհայտ, որ նոյնիսկ, նրա հեղինակները լուրջ քայլեր չարին այդ ուղղութեամբ: Ռուսաստանը շատ էր հեռու Հայաստանից, իսկ բոլշեւիկների ոյժը՝ արեւիքան խնդրական:

Ուրիշ ճանապարհ չկար: Ապրիլ 9-ին դումարեց Սէյմի 22րդ նիստը, ուր դրեց Անդրկովկասի անկախութեան յայտարարութեան հարցը: Մեռելատան էր նմանում այդ օր Սէյմի դահլիճը: Մենակ հայերը չէին սզաւոր. վրացիներն էլ լու չէին դուռ իրենց: Նրանց առաջնակարգ հոռտորներից ոչ ոք ամբիոն չբարձրացաւ այդ օր: Մենչեւիկների կողմից անգոյն ու անհամ ճառեր արտասանեցին մի ինչ որ Օնիաշվիլի, Գէորգաձէն, Արսենիձէն, որոնք բռնազրօսիկ ոգևորութեամբ ու հակասական բացատրութիւններով աշխատում էին հիմնաւորել Անդրկովկասի անկախութեան անհրաժեշտութիւնը: Ռուս Սեմեոնովի և սոց. — յեղափոխական Լ. Թումանեանի համար դժւար չէր ջախջախել նրանց խախտ փաստերը և մերկացնել անկախութեան իսկական շարժառիթները: Մանաւանդ, սղանիչ էր վերջինիս ճառը. «Ձեզ համար պէտք է պարզ լինի, ասում էր նա՝ դիմելով վրաց մենչեւիկներին, որ Անդրկովկասի ներկայ պայմաններում յայտարարուած անկախութիւնը ոչ այլ ինչ է, եթէ ո՛չ դառնալ կատարեալ ստրուկ թիւրքիային... Անկախ Անդրկովկասը ո՛չ միայն չի տայ մեզ հաշտութիւն թիւրքերի հետ, ո՛չ միայն չի բարեւարի մեր դրութիւնը, այլ արեւի ևս կը վատթարացնի, կը կապէ մեր ձեռքն ու ոտքը»:

Նոյն տեսակէտն էր պաշտպանում և Սեմեոնովը. «Ձեր անկախութիւնը կը փրկէ՞ ձեզ թիւրք և դերման զօրքերից, հարցնում էր նա: Եւ ի՞նչ երաշխիք էք սպասում դուք... Անկախութեան յայտարարութիւնից յետոյ,